

## Mien - Auv Ging-Sou - Wives Scriptures

E^fe^so 5:22-24 Meih mbuo zoux auv nyei mienh aah! Meih mbuo oix zuqc mbuoqc ganh nyei nqox hnangv meih mbuo mbuoqc Ziouv Yesu wuov nor. 23 Weic zuqc nqox zoux auv nyei m'nqorngv hnangv Giduc zoux jiu-baang nyei m'nqorngv wuov nor. Jiu-baang zoux Giduc nyei sin, Giduc yaac zoux jiu-baang nyei Njoux Ziouv. 24 Jiu-baang hnangv haaix nor mbuoqc Giduc, auv yaac oix zuqc hnangv wuov nor yiem maanc sic mbuoqc ninh nyei nqox.

E^fe^so 5:31,33 Hnangv Ging-Sou fiev jienv gorngv naaiv joux waac, "Weic naaiv m'jangc dorn dorng jaa, leih ninh nyei diex maac, caux jienv ninh nyei auv benx yietc dauh mi'aqv." 33 Mv baac naaiv deix waac yaac gorngv zuqc meih mbuo. Meih mbuo dauh dauh zoux nqox nyei mienh oix zuqc hnamv ganh nyei auv hnangv hnamv ganh nor. Auv yaac oix zuqc taaih ganh nyei nqox.

1 Ko^lin^to 7:3 Maiv dungx laanh zaanc laanh. Nqox oix zuqc nyunc ei ninh nyei auv, auv yaac oix zuqc nyunc ei ninh nyei nqox.

1 Ko^lin^to 7:34 Ninh ziouc maaih i diuc jauv baeng jienv ninh nyei hnyouv aqv. Maiv maaih jaa nyei m'sieqv dorn fai sieqv-dorn kungx jangx zuqc Ziouv nyei gong, weic zuqc ninh oix liemh sin liemh hnyouv benx nzengc Tin-Hungh nyei. Mv baac zoux auv nyei m'sieqv dorn jangx zuqc seix zaangc nyei jauv, hnangv haaix nor haih zoux duqv horpc nqox.

Ko^lo^si 3:18 Zoux auv nyei mienh aah! Oix zuqc mbuoqc ganh nyei nqox. Hnangv naaiv zoux se puix sienx Ziouv nyei mienh.

1 Ti^mo^tai 2:11-15 Hoqc doz-leiz nyei ziangh hoc, m'sieqv dorn oix zuqc nzieqc nzingz yaac hnyouv suonc nyei. 12 Yie maiv bun m'sieqv dorn njaaux fai longc hatc maaz gunv m'jangc dorn. M'sieqv dorn oix zuqc nzieqc nzingz nyei, 13 weic zuqc Tin-Hungh zeix Aa^ndam ndaangc, nqa'haav cingx zeix Haawaa. 14 Zuqc nduov nyei se maiv zeiz Aa^ndam. Zuqc nduov nyei se m'sieqv dorn, ninh ziouc baamz zuiz aqv. 15 Mv baac weic zuqc m'sieqv dorn yungz gu'nguaaz, se gorngv zanc-zanc sienx longx, maaih hnyouv hnamv mienh, zoux cing-nzengc yaac gunv duqv ganh, ninh mbuo ziouc duqv njoux.

Tin Deic Douh 3:16 Tin-Hungh yaac gorngv mbuox wuov dauh m'sieqv dorn, "Maaih sin nyei ziangh hoc yie oix jaa tipv bun meih kouv. Ndutv sin nyei ziangh hoc meih oix zuqc mun. Mv baac meih corc oix longc

meih nyei nqox. Meih nyei nqox yaac oix gunv jienv meih."

1 Bide 3:1,2 Meih mbuo zoux auv nyei mienh yaac fih hnangv nyei oix zuqc mbuoqc ganh nyei nqox. Hnangv naaic, haaix dauh nqox maiv gaengh sienx Tin-Hungh nyei doz, ninh nyei auv zoux nyei sic ziouc bun ninh oix sienx, liemh maiv zuqc kuinx yietc joux. 2 Weic zuqc nqox buatc yiem auv zoux nyei nyungc zeiv maaih hnyouv taaih yaac cing-nzengc nyei.

Tidatc 2:1-5 Meih njaaux mienh, meih oix zuqc njaaux doix maaih gornbuonv nyei doz. 2 Oix zuqc njaaux hnyangx-jeiv gox nyei m'jangc dorn zanv duqv ganh, zoux sic puix duqv mienh taaih, yaac gunv duqv ganh. Oix zuqc njaaux ninh mbuo sienx longx Yesu, hnamv mienh, yaac maaih noic diev. 3 Fih hnangv nyei, oix zuqc njaaux hnyangx-jeiv gox nyei m'sieqv dorn zoux sic puix sienx Tin-Hungh nyei mienh, maiv dungx gorngv waac-huv, maiv dungx hengx hopy diuv. Ninh mbuo kungx oix zuqc njaaux longx nyei sic hnangv. 4 Hnangv naaic, ninh mbuo haih njaaux auv-jaanx hnamv nqox caux fu'jueiv, 5 haih gunv duqv ganh, maaih hnyouv cing-nzengc, zaangv longx jaa-dingh, zoux longx bun mienh yaac mbuoqc ganh nyei nqox weic maiv bun mienh maaih dorngx gorngv doqc Tin-Hungh nyei doz.

Cong-Mengh Waac 12:4 Ziangh horngħ nyei auv se hnangv nqox nyei ningv, mv baac maiv hiuv duqv nyaiv nyei auv, se hnangv zoux bun ninh nyei nqox nyei mbungv latv.

Cong-Mengh Waac 14:1 Cong-mengh nyei m'sieqv dorn ceix jiez ninh nyei jaa-dingh, mv baac hngongx nyei m'sieqv dorn longc ninh ganh nyei buoz caeqv njiec.

Cong-Mengh Waac 19:13 Hngongx nyei fu'jueiv haih bun domh mienh zuqc baaic. Auv hengx nzaeng jaax se hnangv mbiungc maiv dingh liouh nyei ndiepv jienv yiem.

Cong-Mengh Waac 21:9,19 Yiem biauv-ngorh gu'nguaaic nyei gorqv corc gauh longx caux zanc-zanc nzaeng jaax nyei m'sieqv dorn juangc biauv yiem. 19 Yiem deic-bung-huaang zungv gauh longx caux nzaeng jaax la'ngopv nyei m'sieqv dorn yiem.

Cong-Mengh Waac 25:24 Yiem biauv-ngorh gu'nguaaic nyei gorqv corc gauh longx caux zanc-zanc nzaeng jaax nyei m'sieqv dorn juangc biauv yiem.

Cong-Mengh Waac 27:15,16 Zanc-zanc nzaeng jaax nyei m'sieqv dorn, se hnangv duih mbiungc nyei hnoi maaih mbiungc zanc-zanc ndiepv njiec, maiv dingh. 16 Dangv jienv ninh se hnangv dangv jienv nziaaux, fai longc mbiaauc jieqv buoz nanv youh.

Cong-Mengh Waac 31:10-31 Haaix dauh haih lorz duqv ziangh horngh nyei auv? Ziangh horngh nyei auv gauh jaaix jiex la'bieiv-jaaix. 11 Ninh nyei nqox kaux duqv zuqc ninh, yaac maiv ndortv buonv aqv. 12 Ninh yietc seix zoux longx bun ninh nyei nqox, yietc liuz maiv zoux haaix nyungc hoic. 13 Ninh lorz ba'gi yungh biei caux la'maah, a'hneiv longc buoz zoux gong. 14 Ninh hnangv zoux saeng-eix nyei nzangv nor, wuonc ninh nyei nyanc hopv yiem go nyei daaih. 15 Lungh maiv gaengh njang ninh jiez sin daaih mbenc nyanc hopv bun hmuangv doic, yaac paaiv gong bun ninh nyei m'sieqv bou. 16 Ninh samx mangc lingh deic yaac maaiz daaih. Ninh longc ganh nyei buoz zornc daaih nyei nyaanh zoux huingx zuangx a'ngunc biouv. 17 Ninh cuotv qaqv zoux gong jienh, yaac bun ninh nyei buoz henv. 18 Ninh hiuv duqv ninh zoux daaih nyei huox maaih jaax-zinh, ninh lungh muonz buov dang zoux gong lauh nyei. 19 Ninh weic ganh baeng suix yaac weic ganh ndatv ndie. 20 Ninh cuotv fim nzie mienh jomc mienh, yaac sung buoz tengx dangx-donx mienh. 21 Duih sorng nyei ziangh hoc ninh maiv nzauh ninh nyei biauv zong mienh, weic zuqc ninh nyei ziangh biauv mienh maaih lui-siouv zuqv. 22 Ninh zoux dimc coux nyei ndie, yaac longc la'maah ndie-muonc caux setv luoqc nyei ndie zoux ganh nyei lui-houx. 23 Ninh nyei nqox caux buonv-deic mienh gox zueiz zingh gaengh nyei ziangh hoc, zuangx mienh hiuv duqv ninh nyei nqox. 24 Ninh longc la'maah ndie-muonc zoux lui-houx maaic, yaac fungx la'sin maaic bun saeng-eix mienh. 25 Ninh maaih qaqv yaac duqv mienh taaih, ninh yaac jatv hoz nqaang nyei hnoi-nyieqc. 26 Ninh nyei nzuih gorngv cong-mengh waac. Ninh yaac longc suonc nyei hnyouv njaux. 27 Ninh zaangv longx ninh nyei jaa-dingh, maiv qopv jienv buoz yiem. 28 Ninh nyei fu'jueiv jiez daaih gorngv ninh maaih fuqv, ninh nyei nqox yaac ceng ninh gorngv, 29 "Maaih ziangh horngh nyei m'sieqv dorn camv nyei, mv baac meih gauh ziangh horngh jiex." 30 Mienh maaih yuoqc fei mv baac haih jaav nyei. Nzueic nyei jauv yaac haih jiex. Mv baac taaih Ziouv nyei m'sieqv dorn puix duqv ceng. 31 Tov bun ninh duqv zingh nyeic ziux ninh nyei buoz zoux nyei gong, yaac bun ninh zoux nyei gong yiem wuov zingh gaengh duqv mienh ceng.

Pastor T. John Franklin  
Church of Salvation, Healing, and Deliverance  
COS-HAD.org